




[www.BibleForChildren.org](http://www.BibleForChildren.org)


# उत्पत्ति 1




सुरूवात दा परमेश्वर आकाश  
अदिक पृथ्वी इंद  
रचना माळदुन.



पृथ्वी बेकार अदिक सुनसान  
बिदकु ईरोद, अदिक गहरा नीर  
इन म्याकुच अंधार ईरोद; अदिक  
परमेश्वर उन आत्मा नीर इन  
म्याकुच वयाळतोगोद.




याग परमेश्वर अंदुन, “ऊजोळ आगेग,” रा ऊजोळ आगेत.  
अदिक परमेश्वर ऊजुळ इक हागुल अदिक अंधार इक ईळल्क अंदुन.  
अदिक द्यावगा आत बाक व्हातुर आत. ई प्रकार पयला दिन आगेत.



बाक परमेश्वर अंदुन, “नीर इन बीच दा ऊंद ईत्ता अंतर आगुल कि नीर येढ्ढ भाग आगेगुल.” अदिक परमेश्वर आ अंतर इक आकाश अंदुन. बाक द्यावगा आत बाक व्हातुर आत. ई प्रकार दुसरा दिन आत.




बाक परमेश्वर अंदुन, “आकाश इन ल्यालमागोळोद नीर ऊंद जागा दा जमा आगेगुल अदिक वळगींद जागा कांळसुल,” अदिक हांग अच आत. परमेश्वर वळगींद जागा अक पृथ्वी अंदुन, बाक जो नीर जमा आत अदरी आव समुद्र अंदुन: अदिक बाक परमेश्वर नोळदुन कि वळलीद आद.



बाक परमेश्वर अंदुन, “पृथ्वी टु हिवरा कचरा, अदिक बींजावाळा  
श्याणेव श्याणेव मारं, अदिक काय कोळावाळा मारं भी यदुरव बींजा  
अऊर दा टु ऊंद ऊंद इन जात इन अनुसार आद, पृथ्वी  
मा जगसुल, अदिक हांग अच आद.  
अदिक द्यावगा आत अदिक बाक  
व्हातुर आत. ई प्रकार तीसरा  
दिन आगेत.”




आग परमेश्वर येदूढ धोड्डेव ज्योतीगोळ माळदुन; अदुर दा टु धोळद  
ज्योति इक हागुल दा प्रभुता माळोरसाटी  
अदिक श्याण ज्योति इक ईळल्क दा प्रभुता  
माळोरसाटी माळदुन; अदिक तारागोळ  
इक भी माळदुन. अदिक द्यावगा आत बाक  
व्हातुर आत. ई प्रकार चौथा दिन आगेत.



बाक परमेश्वर अंदुन, “नीर जीत्ता  
प्राणीगोळ से हापाळ अच तुम्मेगुल,  
अदिक पक्षी पृथ्वी इन म्याकुच  
आकाश इन अंतर मा उळसुल.”  
अदिक द्यावगा आत बाक  
व्हातुर आत. ई प्रकार  
पाचवा दिन आगेत.




बाक परमेश्वर अंदुन, “पृथ्वी माकळव ऊंद ऊंद जाती इन जीत्ता प्राणी, मतलब घरेलु पशु, अदिक रांगसावाळा किळा, अदिक पृथ्वी इन वनपशु, जाती जाती इन वन-पशुगोळी, जाती जाती इन अनुसार पैदा आगुल,” अदिक हांग अच आत.



बाक परमेश्वर अंदुन, “नाव मंळसा अक तान स्वरूप इन अनुसार तान समानता दा माळेव; अदिक अव समुद्र दाकळव मेनगोळ, अदिक आकाश इन पक्षीगोळ, अदिक मान्यागोळोव पशुगोळ, अदिक पुरा पृथ्वी मा, अदिक सप्पा रांगसावाळा किळागोळ मा जो पृथ्वी मा रांगस्ताव, अधिकार ईटी.” आग परमेश्वर जो येनारा माळीदुन सप्पा अक नोळदुन, कि अद हापाळ अच वळलीद आद, द्यावगा आत बाक व्हातुर आत. ई प्रकार आरवा दिन आगेत.



आग यहोवा परमेश्वर मंळसा अक हुळकु अदन इन वाटीका दा ईट बुट्टुन, कि आव अल क्याल्सा माळुल अदिक आ वाटीका अन्द रक्षा माळुल.



अदिक यहोवा परमेश्वर मंळसा  
अक ईद आग्या कोट्टुन, “नी  
वाटीका अन्द सप्पा मारं इन  
काय बेझीझक आगकु तीन  
सकत्या; लेकीन भला या बुरा  
अन ग्यान इन जो मारं आद,  
अदुर्द काय नी यागलु  
तिनबाळेत: यतिकी या दिशी  
नी अदुर्द काय तिनद्या अदा  
दिशी जरूर सोत्या.”



अदिक आदम सप्पा मान्ना दाकळव  
पशुगोळ, आकाश इन पक्षीगोळ, अदिक  
जमीन इन सप्पा वनपशु उन हेसुर  
ईटदुन, लेकीन आदम उक योग्य सहायक  
सिकीदील.



आग यहोवा परमेश्वर आदम उक भारी जप दा हाकबुट्टुन, अदिक याग आव मींगेदुन आग आव आऊन ऊंद पसली तेगुकु अदुर जागा दा मास तुमदुन. अदिक यहोवा परमेश्वर आ पसली इक जो आदम दा टु तेगदीदुन, आर्त माळदुन; अदिक आकी आदम उन हात्ती तंदुन.



ई कारण मंळसा तान मोय-आप्प उक बिटकु तान  
हिंस उन सांगुळ ईत्तान, अदिक आंदुर येद्दु  
मुंदुर ऊंद तन आदार.



यतिकी परमेश्वर दुनिया से हिंग प्यार ईटदुन कि  
आव तान ऊंद ठैसा पार कोट बुट्टुन, ताकी जो  
यावारा आऊन मा विश्वास माळयान आऊन  
नाश आगबाळुल, लेकीन आऊक अनन्त  
जीवन सिकुल.



रोमियों 3:23

इदुरसाटी कि सप्पा मुंदुर पाप माळ्यार अदिक परमेश्वर उन महिमा देल  
हापाळ दुर आर,

रोमियों 6:23

यतिकी पाप इन मजदूरी रा मृत्यु आद, लेकीन नाम परमेश्वर उन अनुग्रह  
अन भेंट नाम प्रभु मसीह यीशु दा अनन्त जीवन आद.

इब्रानिगोळ 9:27

अदिक ह्यांग मंळसागोळ साटी ऊंद घन सायोद अदिक अदुर बाद्दा परमेश्वर  
उन द्वारा न्याय इन आगोद तय आद,



## इफिसिगोळ 2:8,9

यतिकी विश्वास इन भेंट इन द्वारा अनुग्रह देल अच नीम्द उद्धार आत, अदिक ईद नीम्द दी टु ईला, बल्की परमेश्वर उन दान हुन, अदिक ना कर्मगोळद कारण, हिंग आगबाळुल कि यावारा घमण्ड माळुल.

## रोमियों 10:9,10

कि अगर नी तान बाय देल यीशु उक प्रभु जान्सकु अंगीकार माळया, अदिक तान मन देल विश्वास माळया कि परमेश्वर आऊक सोत्तुर दा टु जित्ता माळदुन, रा नीन जरूर उद्धार आदीत. यतिकी विश्वास माळदुर देल नाव परमेश्वर उन सांगुळ सही संबंध दा बरतेव अदिक बाय देल कबुल माळदुर देल नामी मुक्ति सिकतद.



## यूहन्ना 3:16,17

“यतिकी परमेश्वर दुनिया से हिँग प्यार ईटदुन कि आव तान ऊंद ठैसा पार कोट बुट्टुन, ताकी जो यावारा आऊन मा विश्वास माळयान आऊन नाश आगबाळुल, लेकीन आऊक अनन्त जीवन सिकुल. परमेश्वर तान पार उक दुनिया दा इदुरसाटी कळीदिल कि दुनिया मा दण्ड इन आग्या कोळुल, लेकीन इदुरसाटी कळयान कि दुनिया अक आऊन द्वारा उद्धार सिकुल.

## 1 यूहन्ना 5:11-13

अदिक अद गवाही ईद हुन कि परमेश्वर नामी अनन्त जीवन कोटान, अदिक ईद जीवन आऊन पार उन दा आद. यार हात्ती पार आन, आऊन हात्ती जीवन आद, अदिक यार हात्ती परमेश्वर उन पार हैलेच, आऊन हात्ती जीवन भी हैलेच. ना नीमी, जो परमेश्वर उन पार उन हेसुर मा विश्वास माळतीर, इदुरसाटी लिखसतीन कि नीव अर्त कोमी कि अनन्त जीवन नीम्द आद.



## उत्पत्ति 1-2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: Bob Davies, Tammy S.

Holiya Bible (hoy) © The Word for the World International  
and Holiya Translation Samithi,  
Kudwa, Gondia, Maharashtra 2025

<https://www.bible.com/en-GB/bible/2782/MAT.1.HAA25>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

